

adahlpoi nidjinek aiek an nadlat o nedoa.

8 Ak Ihova, jim alupai ilpu atimi auatatimi nitai merit ura : jim atan imi ra an nitai merit has ura ; va eri jim aridjai ara. Sela.

9 Jam anauo nidjini ra sji eigki era arahed irak ara ; etmu adahlpoi ra nitai has is ahes an nipjineucera.

10 Etmu edjose ijinies ira ra inhumla et eas : uhmu erekhaig jai ra an cop ; irai li ehpai itai ubo va eri jim lep atidai ara.

11 Etmu jim amen aktit an nobohtau tah natimi asan tas has : etpu apitae natimi auatatimi nitai has par anahas yin.

12 Ek ato ainyak mika etpu atau imi ilpu atimi ohaered a Ihova. um ago nedo atoh vai ilpu ihki atimi.

13 Erupu idim ago naaurineig vai nidam a ilpu atimi upene : erupu amen a ilpu atimi upene an nuhup unyum.

SALM 141.

1 Ak Ihova, ek ahlaig vai eue ainyak ; auroauro um apam ehelek : atahajjeg nohrak, ekuut ahlaig vai eue ainyak.

2 Etmu aridjai nalaigaheni unyak an nuhup unyum et idivaig nitai aua nipin upene ; im nadaig jai nikmak et idivaig nitai ahlap an jupura.

3 Ak Ihova, namu ati nitai aminjinaig nipjineucsek aiek ; aminjinaig intapanes an narasin nipjineucsek.

4 Etmu jim aiyu inliinmopok ainyak vaig tah nitai has, par ago nauritai has ehele ilpu atimi ago nedo has : ekmu jim caig niji itai upene ura ainyak.

5 Erumu ated nyak a ilpu atimi upene ; nedo aihene h eigki : erumu ated nyak ara ; naraki upene ineigki iny i ehtoplee nidjinek : ekpu ago nalaigaheni vai ra ainyak an nohaered ura.

6 Uluut erekhaigse ilpu atimi alupas ura irai iji uarin et eteuc

nilpau hat iran, erupu atahajjeg intas unyak ara ; et idim adale.

7 Er terinterim neduoja an neucsen nehpanitai, et idivaig nauciai et attai tah um ates.

8 Ak Atua Natimarid, et aes pan eue neganiuntak ainyak : ek asgeig iram ainyak : jim ude nyak.

9 Aminjinaig nyak va nopoig eris ati vai nyak, im lep nehpai itai o ilpu atimi ago nedo has.

10 Erumu ebehtau a ilpu atimi auatatimi irai opoig ura, ja ekpu atga upene ainyak.

SALM 142.

1 Kis ahlaig vai Ihova ainyak an nohrak ; kis ngni itai ehele Ihova ainyak an nohrak.

2 Kis asaig upene naktaktai unyak ainyak an nuhup o un : kis asupteenaig nohaered unyak ainyak an nuhup o un.

3 Is wat ohaered inliinmopok ainyak, as ato nefalaig unyak aiek. Eris ati nopoig vai nyak ara an nefalaig ek atga iran ainyak, jam eti asaig.

4 Kis eas an matak ainyak um ahnoi, ja is eti ato nyak tah natimi : eris eti aihene vai nyak ; is eti aktaktai nyak tah natimi.

5 Ak Ihova, kis ahlaig vai eue ainyak : kis ika ainyak, Na narin atpuh iran unyak aiek, im impadiag unyak, an pece o ilpu atimi unumoh.

6 Aktaktai nahlaig unyak ; eris imiasuol acen nyak : imiatamaig nyak va ilpu atimi edemda vai nyak : era esjilid irak ara.

7 Atipagki nyak anli neom ipjin aiek, va ekpu ago naaurineig ainyak vai nidam : erupu arahed irak a ilpu atimi upene ; napu idim ago nedo upene vai nyak aiek.

SALM 143.

1 Ak Ihova, namu atahajjeg nalaigaheni unyak aiek, aktaktai